



Kajitok ko Rekut kin Kakien in Wā ñan Taktō im Rijerbal ro an Jikin Ejmour *(Emoj* *kokkaal Ebrol 1,2022)*

Ijin lal ej uwaak ko nan kajitok ko rekut (FAQ) kin Kakien in Madmod eo an Oregon (OAR) [333-019-1010](https://www.oregon.gov/oha/ohd/covid19/faq), Mennin Aikuj kin Wā eo an COVID-19 ñan Taktō im Rijerbal ro ilo Jikin Ejmour ilo Jikin Takto ko. Emaroñ jab niknik ien kōkāāl melelein Kajitōk kein Rekut.

K: Kakien in ej ke jerbal nan takto in ni im jikin takto in ni? Mennin ejab laajrak ilo komelele eo an jikin ejmour.

Aet. Takto in ni ko ilo jikin takto in ni rejab loor kakien in. Taktō in ni rej rijerbal ro an jikin ejmour. Takto in ni emoj watoke ej takto ñan kejbarok ejmour im juon jikin takto in ni emoj watoke ej jikin takto. Rijerbal ro an jikin ni im rej jerbal, katak, komman katak, jiban, lale, ak lelok jiban ko aer ilo jikin takto in ni rej lelok kejbarok in ejmour ak rej kaju ak jab kaju kebaak rinanimij ak mottan kein jerbal ko rettoonon rej bar aikuj loor kakien in.

K: Ta melelein lukkun dedelok wā?

Lukkun dedelok an juon armij wā ej melelein juon armij eo emōj an bōk wā ko ruo an COVID-19 emōj an FDA kōmelim ak kōwebben ak wā eo an COVID-19 juon alen bōke im emōj an FDA kōmelim ak kōwebben jab diklok jen an mootlok 14 raan jen ien eo armij eo ear bōke wā in COVID-19 eo aliktata aikuji. Jabdewōt wā ilo Laajrakin in Etan Wā in Kōjerbal ilo Idin len (Emergency Use Listing, EUL) an Doulul in Ejmour eo an Lal in (World Health Organization, WHO) emelim iomwin kakien in. Ilo Amedka, wā ko ruo alen boke rej Pfizer (Comirnaty) im Moderna im wā eo juon alen boke ej Johnson & Johnson. Ñe kwar bōke wā eo am inabojin Amedka, etale [bija in melele in](#) ñan melele ko relablok kin wā ko remelim.

K: Kakien in ej ke jerbal nan rijerbal ro an imon wia einwot rijerbal ro ilo jikin wia wuno ko einwot Walgreens ak Bi-Mart?

Aet, nan rijerbal ro an jikin wuno wot (ekoba rijerbal ro rej komadmod im jerbal ilo jikin wuno eo) elane rej bok kwonaer im kaju lale rinanimij ak remaron kaju ak jab kaju kebaak rinanimij ro.

K: Ta katak ikijen bōd ko rej bōnōbōn ñan rijerbal ro ilo jikin ejmour?

Melelein taktō ak rijerbal eo ej lelok jibañ in ejmour elukkun lab kōmelele ko im ekoba kajojo armij, ro rej kolla ak rejab, rej jerbal, katak, jikuul, jiban, lale, ak lelok jiban ko aer ilo jikin taktō ko rej kaju lelok jiban nan rinanimij ak armij eo ej jokwe ak ro remaron kaju ak jab kaju kebaak rinanimij, ro rej jokwe, ak kein jerbal ko retoonon, im ekoba botab ejab jemlok wot nan jabdewot armij eo ewor an laiijen jen juon board ej

kakien kin ejmour im emoj komelele ilo ORS 676.160, rikejbarok ro ejellok aer laijen, im jabdewot rijerbal in obij, mōñā, jiban ko ikijen mejatoto, kwalkwol nuknuk, injinea, im lale moko, komadmod, muri, rijikuul, im ro rej lelok jiban ko aer.

K: Rijerbal ro an jikin ejmour an jikuul im nooj ro an jikuul rej teru in jermal jen jikuul eo rej ke aikuj loor kakien in?

Aet.

K: Rijerbal in ejmour ro rej jermal ilo imon kalbuj rej ke koba ilo kakien in?

Aet.

Kajojo armij ro ilo imōn kalbuj ko an state, county, im citiy im rej jermal ak jibañ ilo juon jikin ejmour im remaron kaju kebaak ak jab kaju kebaak juon rinañinmij ak armij eo ej jokwe mweo, ak kein jermal ko retoonon rej aikuj loor kakien in. Kajojo armij ro WŌT rej kaju/jab kaju lelok kejbarok ilo jikin ko an imōn kalbuj im rejab deloñ ilo kōmelele eo an “jikin ejmour” einwōt kōmelele ilo kakien in, innem kakien eo ejab jermal.

K: Ñe imōn kalbuj eo enaj lelok wuno ñan juon rūtto eo ej kalbuj (AIC) ilo jikin cell in kalbuj, ak etale eo ñan ebōk wuno ilo juon cell an AIC, ej ke kōmman bwe jikin cell ko ilo imōn kalbuj rej jikin ejmour iomwin kakien eo an jikin wā ibben Oregon Health Authority?

Jab. Kōmelele eo an jikin ejmour elab, bōtab ear kōmman ñan jermal ñan jikin ko eniknik aer lelok jibañ in ejmour, ak jikin ko an jidik ien einwōt ien wā ko ilo wa ak wa ambulance ko. Bōtab ilo ijin, juon cell in jikin kalbuj elablok an juon “jikin jokwe” im jikin jokwe an juon make armij ejab jikin ejmour ijellokun ñe ewōr an laijen, emōj kadeloñ etan ak kamool ke ej juon jikin ak imōn jokwe emōj laajrak ilo kōmelele eo an jikin taktō.

K: Kakien in ej ke jermal nan rijerbal in ejmour ro rej wot lelok wot jiban in komadmod ilo moko mon armij (einwot, Doula ro, rijiban in ejmour ilo imon jokwe, rilelok jiban in kainemmon, rijerbal eo rej lelok jiban in ejmour ilo imon jokwe, rijerbal eo rej bed ilolan imon jokwe im lelok jiban, rijerbal ro ilo hospice, im jikin ko jet)?

Jab, kakien in ejab jermal nan ro rej lelok jiban in takto wot nan lelok kejbarok ilo moko mon armij elane rijerbal in ejmour ej lelok wot jiban ilo moko mon armij make, im ejellok jikin kein ewor aer laijen, emoj kadelon ettaer, ak kamool ke rej imon jokwe ak jikin eo emoj komelele an jikin ejmour im ebed ilo [kakien in](#). Waanjonok, juon eo ej lelok jiban in ejmour ilo imon jokwe ilo juon jikin apartment ejab aikuj loor kakien in. Botab, juon rijerbal ej lelok jiban in takto ilo imon jokwe im ej lelok kejbarok ilo juon imon jokwe in foster an rutto ej aikuj loor kakien in.

K: Elane na juon rijerbal kapeel ewor ao laijen einwot cosmetologist eo ej lelok jiban in jermal nan client ro ao ilo jikin ejmour ko einwot aujbitol ak jikin kejbarok ko iomwin ien aitok, mennin aikuj eo ikijen wā nan rijerbal in ejmour im rijerbal ro ilo jikin ejmour ej ke jermal nan na?

Aet. U: Aet. Jabdewot armij eo ej jermal ak jiban ilo juon jikin takto im emaron kaju ak jab kaju kebaak juon rinaninmij ak armij eo ej jokwe ak kein jermal ko rettoonon, ej aikuj loor mennin aikuj in wā eo an rijermal in ejmour im rijermal ro ilo jikin ejmour.

K: Kakien in ej ke jermal nan rijermal ro rej jermal jen jikin ko ettolok 100%?

Jab, botab Oregon Health Authority ej rojan an aoleb rijermal in ejmour im aoleb armij in Oregon ro remaron tobrak nan boke wā eo nan aer maron kejbarok er make im ro jet. Juon takto eo ejab kaju lelok jiban nan juon rinaninmij im ej kaju ak jab kaju kebaak rinaninmij, armij ro rej jokwe, ak kein jermal ko rettoonon, ejab aikuj loor mennin aikuj eo kin wā ilo [OAR 333-019-1010](#). Botab, elane juon rijermal in ejmour ilo jabdewot ien enaj lelok jiban nan rinaninmij, kin jermal ko, ilo juon jikin takto eo im emaron kaju ak jab kaju kebaak rinaninmij, armij ro rej jokwe, ak kein jermal ko rettoonon, im rijermal eo aikuj loor kakien eo.

K: Ñe elōñlok jen juon aō jikin jermal ak rijibañ jen juon rijermal, ij ke aikuj lelok kein kamool in wā ak juon beba in kajitōk kōmelim ñan kajojo jikin jermal ko?

Aet.

K: Rijermal in EMS ro redelon ke ilo kakien in?

Rijermal in EMS ro im ewor aer laijen jen Oregon Health Authority im ro rej jermal, katak, jikuul, jiban, lale ak lelok ien ko aer ilo juon jikin ejmour im kaju lelok kejbarok nan rinaninmij ak armij ro rej jokwe ak ro remaron kaju ak jab kaju kebaak rinaninmij, ro rej jokwe, ak kein jermal ko rettoonon, rej aikuj loor mennin aikuj ko kin kakien ko ikijen wā ñan rijermal ro ilo jikin ejmour. Juon jikin takto ekoba jabdewot jikin eo rej lelok jiban in ejmour, im emaron koba jikin ko rijermal ro an EMS rej lelok komadmod, einwot waan ambulance ko.

K: Rikattor wa ro an Non-Emergency Medical Transport (Waan ektak rinañinmij ejab an idin ien, NEMT) rej ke aikuj loor mennin aikuj eo an Oregon Health Authority (opij in ejmour eo an Oregon, OHA) ikijen an taktō/rijermal in ejmour wā?

OHA ej rōjañ an aoleb kajojo armij bōk wā eo ñan bōbrae jen COVID-19. Ej wāween eo emmon tata ñan kejbarok er make im armij ro ituirier jen COVID-19. Bōtab, ilo tōrre in rikattor wa ko an NEMT rejab aikuj loor kakien eo an taktō in OHA. Rikattor wa eo an NEMT ejab bed ilo juon jikin ejmour im ejab komelele ilo kakien eo an OHA, im ilo an rikattor wa ko an NEMT maron kaju kebaak rinaninmij ro, rejab lelok jibañ in taktō.

K: Rijermal in ikun kijeek rej ke koba ilo kakien in?

Elane juon rikun kijeek ewor an laijen jen Oregon Health Authority einwot juon rijermal eo ej lelok idin jiban ikijen takto (EMSP), ilo jabdewot jonan, im mottan jermal eo elab ej komadmod idin jorraan in takto ko im lelok jiban in takto ilo jikin idin takto, innem aet rikun kijeek eo ej aikuj loor kakien in wā eo an rijermal ro an jikin ejmour. Rikun kijeek ro ej niknik aer komadmod kall ko rej itok kin idin jorraan ilo 911 im rej armij ro moktata rej tobar jikin eo, mokta jen waan ambulance, im lelok jiban in takto. Jikin ko an jidik ien im rej lelok jiban in takto ekoba ilo komelele eo an jikin ejmour. Innem, EMSP ro

ewor aer laijen rej rijerbal ro an jikin ejmour im rej jerbal ilo jikin takto im rej aikuj loor kakien in.

K: Bulijmaan ro im ewor jidik aer katak kin ejmour, ak ewor aer laijen rej rijerbal in jikin ejmour rej ke delon ilo kakien in?

Emaron jab. Ilo an juon bulijmaan maron wor jidik an katak in kaminene kin takto, ak emaron bar wor an laijen in lelok jiban in ejmour, ejab mottan jerbal eo an ej kaju ak jab kaju lelok jiban in ejmour ilo juon jikin ejmour. Ne juon bulijmaan ewor an jerbal eo iomwin komelele ej aikuj aer lelok jiban in ejmour nan kajojo armij, innem kakien eo emaron jerbal.

K: Kakien in ej ke jerbal ñan taktō ro an menninmour im rej kōmadmōd ilo jikin taktō ko an menninmour?

Jab. Kakien in ej jerbal ñan taktō im rijerbal ro ilo jikin taktō ko. Juon jikin taktō an menninmour ejab jikin taktō innem kakien eo ejab jerbal ñan taktō in menninmour ko rej lelok jibañ in kōmadmōd ilo juon jikin kōmadmōd menninmour.

K: Kakien in ej ke jerbal nan jikin ko an Utamwe?

Elon jikin ko rej laijen ibben DSH ak kakien ioon remaron koba ilo kakien in. Ne ewor kajojo armij ro rej kaju lelok jiban nan rinanimij ak kejbarok armij ro rej jokwe ak remaron kaju ak jab kaju kebaak rinanimij ak armij ro rej jokwe, im jikin eo ej laijen jen DHS ej juon jikin eo rej lelok jiban in ejmour, innem aikuj loor kakien in ijellokun ne ejejjat an melim an jab koba ilo melele eo an jikin ejmour.

K: Kakien eo ej ke jerbal nan ro rej kolaajrak kejbarok ak keij manija ro?

Elane rikolaajrak takto ak keij manija eo ejab lelok jabdewot jiban nan rinanimij ak remaron kaju ak jab kebaak nan rinanimij ak ro rej jokwe, innem jab. Waanjonok, juon keij manija eo ej kenono wot nan rinanimij ro ak ro rej jokwe ilo jikin eo ilo talebon im ej jerbal ilo juon objim im ejab kaju kebaak rinanimij ejab aikuj loor mennin aikuj eo ilo kakien eo. Botab, elane juon rikolaajrak kejbarok ak keij manija ilo jabdewot ien ej lelok jiban nan rinanimij ak kin jerbal ej bed ilo juon jikin takto im emaron kaju ak jab kaju kebaak rinanimij, armij ro rej jokwe, ak mweiuk ko rettoonon, armij eo aikuj loor kakien in. Oregon Health Authority ej rojan aoleb takto im aoleb armij ro ilo Oregon remaron tobrak nan boke wā eo nan aer maron kejbarok er make im ro jet.

K: Kakien eo ej ke jerbal nan rijerbal ro rej pathologists, occupational therapists im audiologist ro?

Aet, elane rej jerbal, katak, jiban, lale, ak lelok jiban ko aer ilo juon jikin takto ej kaju jiban rinanimij ak emaron kaju ak jab kaju kebaak rinanimij, ijellokun rej jerbal ilo juon jikin eo ejab koba ilo komelele eo an jikin takto, einwot juon jikin ej madmod ibben state, ak ej lelok kejbarok ilo imon armij im imon jokwe eo ejab laijen, delon etan, ak ewor an beba in kamool ej jikin ak imon jokwe eo emoj komelele ilo kakien eo.

K: Rijerbal ro rej lelok jiban in WIC rej ke watoke rej rijerbal ro an jikin ejmour ak rijerbal ro an jikin takto ilo juon jikin ejmour?

Aet. Rijerbal in WIC ro rej lelok jiban nan client im komman jonjon in ejmour, etale in ejmour, jone kileben client, lelok katak kin kaninnin im koonjel im lelok jiban ko ikijen takto im rej kaju kebaak client ro. Jabdewot jikin ko rej lelok jiban ko an WIC renaj watoke jikin takto – kinke juon jikin ejmour ej jabdewot jikin eo rej lelok jiban in takto. Kakien in wā eo an OHA ñan rijerbal ro an jikin ejmour ej jermal nan rijerbal ro ilo jikin ejmour, innem ej jermal nan rijerbal ro an WIC.

K: Ribitbit ro ewōr aer laijen rej ke aikuj wā iomwin kakein in eo an OHA ikijen an rijerbal in jikin ejmour wā??

Enaj ekkar ñan jekjek eo. Jekdon juon ribitbit ej aikuj loor kakien eo an OHA ñan an rijerbal in ejmour wā enaj ekkar ñan ia eo rej bitbit ie. Kōmelele eo an jikin ejmour elab, bōtab ear kōmman ñan jermal ñan jikin ko eniknik aer lelok jibañ in ejmour, ak jikin ko an jidik ien einwōt ien wā ko ilo wa ak wa ambulance ko. Jet jikin ko ribitbit ro rej jermal ie remaron jikin ejmour, bōtab jet rejab. Waanjoñok, jikin bitbit ko iloan jikin ejmour ko jet einwōt ilo opij ko an taktō ak opij ko an acupuncture rej jikin ejmour im taktō im rijerbal ro ie rej aikuj loor kakien in. Imōn spa ko rejab jikin ejmour im jikin bitbit ko ilo spa ko rejab aikuj loor kakien in. Imōn bitbit ko rejab bed ilo jikin ejmour remaron wōt aikuj an rijerbal bōk wā in COVID-19 eo.

K: Rijerbal ro an AAA (Area Agencies on Aging) im eniknik im wor ien aer loe client ro aer ilo jikin ejmour ko einwot aujbitol, jikin kejbarok ko iomwin ien aitok, im jikin jokwe ko rej lelok jiban rej ke aikuj loor kakien in wā eo an Oregon Health Authority nan rijerbal ro ilo jikin takto?

Aet. Rijerbal ro an AAA rej koba ilo komelele eo “rijerbal in jikin ejmour” kinke rej jermal im jiban armij ro rej jokwe im rej aer client, ilo juon jikin ejmour im rej kaju kebaak armij ro rej jokwe.

K: Rijerbal ro an AAA (Area Agencies on Aging) im rej loe wot client ro ilo obje eo an AAA rej ke loor kakien in wā eo an Oregon Health Authority nan rijerbal ro an jikin ejmour?

Oregon Health Authority (OHA) ej rojan an aoleb bok wā eo. Ej waween eo emmontata nan kejbarok er make, client ro aer, im armij ro ilobelej. Botab, ijellokun ne obje eo an AAA ebed iloan juon jikin takto einwot jikin ejmour, rijerbal in AAA ro rej jermal wot ilo obje eo rejab aikuj loor kakien in wā eo an OHA nan rijerbal ro an jikin ejmour.

K: Kakien in ej ke jermal nan takto im rijerbal ro an jikin ejmour ak ro rej lelok jiban in ejmour ilo bwidej ko an bwij?

Jab. Kakien ejab jermal nan jikin takto ko rej madmod ilo bwidej ko an bwij ak takto ak rijerbal in ejmour ro rej madmod ilo jikin takto kein. Einwot lal ko ewor an kajur, Bwij ko federal ej kile remaron kojermal kakien im mennin aikuj ko aer make.

K: Rijerbal ro rej security ilo jikin takto eo rej ke koba ilo kakien in?

Aet, elane rijerbal ro rej delon ilo komelele eo an rijerbal in ejmour/rijerbal ro ilo jikin ejmour im rej lelok kejbarok, innem kakien in ej jermal nan rijerbal rein. Takto im rijerbal ro ilo jikin ejmour ej melelein kajojo armij, ro rej kolla ak rejab, ro rej katak,

jiban, lale, ak lelok ien ko aer ilo juon jikin takto ej kaju jiban rinaninmij ak armij eo ej jokwe ak rejab maron kaju ak jab kaju kebaak rinaninmij, armij ro rej jokwe, ak kein jermal ko rettoonon.

K: Ne jermal eo aō ej aikuj aō delone juon jikin takto ilo elon ien, einwot boklok mael ak kanne mejin in wia ko, ak ewor juon aō jermal in ekal an jidik ien ilo obij eo an juon takto ak aujbitol, ak jet ien ij etal in kommane air condition ko ilo jikin takto ko, im kinke ij aikuj etetal ilo jikin eo ewor rinaninmij, client ak armij ro rej jokwe, ij ke juon rijermal an jikin ejmour im aikuj loor kakien in wā eo an Oregon Health Authority nan rijermal ro ilo jikin ejmour?

Emaron jab botab Oregon Health Authority (OHA) ej rojan an aoleb bok wā eo nan kejbarok jen COVID-19. Kajojo armij ro ewor aer jermal ko ejab ikijen kakien eo an jikin ejmour, botab jet ien rej etal nan jikin takto ko rejab aikuj koba ilo kakien eo an OHA. Kakien in ear komman nan jermal nan kajojo armij ro ewor ien aer jermal, katak, jikuul, jiban, lale, ak lelok ien ko aer ilo juon jikin takto, im rej kaju lelok jiban nan rinaninmij ak armij ro rej jokwe ilo jikin kejbarok, im kin aer ebaake rinaninmij ro ak armij ro rej jokwe ak kein jermal ko rettoonon, ewor uwota nan aer bok COVID-19. Ne kwojab jela elane kakien in wā in ej jermal nan kwe, kwoj aikuj lale am bok wā eo. Juon armij eo an eddo jikin takto ej aikuj lolorjak ke aoleb, jekdon rej aikuj loor mennin aikuj eo ikijen wā ak jab, rej boke kultien waween ko jet nan kejbarok jen COVID-19 einwot ekonak kein kalbubu iturin maj ko emmon jonan aer jermal, kattolok doon, im ikut aer kwal beir.

K: Kakien eo an wā ej ke jermal nan rijermal ro an jidik ien?

Aet. Melelein kajojo armij, ro rej kolla ak rejab, rej jermal, katak, jikuul, jiban, lale, ak lelok jiban ko aer ilo jikin taktō ko rej kaju lelok jiban nan rinaninmij ak armij eo ej jokwe ak ro remaron kaju ak jab kaju kebaak rinaninmij, ro rej jokwe, ak kein jermal ko rettoonon, im ekoba botab ejab jemlok wot nan jabdewot armij eo ewor an laijen jen juon board ej kakien kin ejmour im emoj komelele ilo [ORS 676.160](#), rikejbarok ro ejellok aer laijen, im jabdewot rijermal in obij, mōñā, jiban ko ikijen mejatoto, kwalkwol nuknuk, injinea, im lale moko, komadmod, muri, rijikuul, im ro rej lelok jiban ko aer.

K: Rijermal in Takto ro rej Madmod einwot Etto rej ke aikuj loor kakien eo kin wā an rijermal in jikin ejmour im aikuj bok wā eo?

Aet, elane rijermal in ejmour ro rej madmod einwot etto redelon ilo komelele eo an takto im rijermal im rej jermal ilo jikin ejmour.

K: Ta board in kakien ejmour eo einwot komelele jen ibben [ORS 676.160](#)?

Kakien eo ej ba ke rijermal ro an ejmour ekoba, botab ejab jemlok wot nan, kajojo armij ro ewor aer laijen jen juon board ej kakien jermal in ejmour im emoj komelele iomwin [ORS 676.160](#). Ta board kein?

Juon “board in ejmour kapeel ej kakien” melelein laajrak, innem jabdewot kajojo armij eo ej laijen jen ibben juon ian board kein ej juon rijermal in ejmour iomwin kakien in:

(1) Ro rej Etale jen Board eo an State nan Rijermal ro rej jiban Kenono im Ronjak;

(2) Board eo an State kin Etale Chiropractor ro;

- (3) Board eo an State kin Rijerbal in Social Work ewor aer Laijen;
- (4) Board eo an Oregon kin Koonjelor im Therapist ro ewor aer Kapeel im Laijen;
- (5) Board eo an Oregon kin Takto in Ni;
- (6) Board eo an State kin RiMajaa ro;
- (7) Board eo an State kin Jikin RiMij im Jikin Kallub;
- (8) Board eo an Oregon kin Wuno ko Ejab an Raan Kein;
- (9) Board eo an Oregon an Nooj ro;
- (10) Board eo an Oregon kin Takto in Māj;
- (11) Board eo an State kin Jikin Wia Wuno;
- (12) Board eo an Oregon kin Takto;
- (13) Board eo an Jiban in Makutkut ilo Jerbal ewor an Laijen;
- (14) Board eo an Oregon nan Jiban in Kokmanman Enbwin;
- (15) Board eo an Oregon kin Lomnak;
- (16) Board eo an Bija in Takto;
- (17) Board eo an State eo an Oregon ej Etale Takto in Menninmour; im
- (18) Oregon Health Authority, nan joñan an opij eo ej lelok laijen ñan idin ien taktō ro rej lelok jibañ in ejmour.

K: Rijerbal ro an state im rej jermal ilo jikin ko state ej komadmod rej ke aikuj wā?

Ekkā, jab. Ilo Ebrol 1, 2022, Governor Brown ear jolok mennin aikuj eo ñan an rijerbal ro an state aikuj wā. Bōtab, rijerbal ro an state im rej rijerbal an jikin taktō im rijerbal ro rej jermal ilo jikin ejmour rej aikuj loor [OAR 333-019-1010](#) (Mennin Aikuj eo ñan Wā in COVID-19 ñan Taktō im Rijerbal ro ilo Jikin Ejmour ilo Jikin Taktō ko) im rej aikuj wā, ak wōr aer kōmelim kin wūnin aer jab wā.

K: Ak ne juon armij emaron lelok juon kein kamool ilo jeje kin aer kar bok COVID-19 moktalok, ebwe ke nan kotobrak mennin aikuj eo ikijen wā?

Jab. Kein kamool ke ear wor naninmij in COVID-19 maanlok einwot juon kein binej jenkwā wā eo ejab melim iomwin kakien in.

K: Ne juon jikin eo ej lelok laijen enaj makoko in loor kakien eo, enaj ke jelote laijen eo aer?

Emaron. Rijerbal eo ej lelok jiban aikuj lale ibben board in laijen eo an, einwot an kakien jen board in laijen ko kajojo.

K: Ta ripoot eo enaj aikuj nan loloorjak rej loor kakien?

Ejab aikuj ripoot nan OHA. Beba in kamool aikuj kejbarok jab diklok jen ruo yio im rej aikuj lelok nan Oregon Health Authority ilo ien ewor kajitok.

K: Kain kein kamool in wā ta ko remelim?

Beba jen juon bwij, kien an federal, state, ak jukjukinbed, ak juon jikin taktō, ewōr etan armij eo, raan in lotak eo an, wā eo an COVID-19 rōt rar lelok, raan ak raan ko rar lelok, ekkar ñe wā eo ej juon alen ak ruo alen wā, im etan **ak** jikin taktō eo ak jikin eo im rar lelok wā eo. Beba eo emaron koba, bōtab ejab jemlok wōt ñan juon kaat in rekoot in wā eo an COVID-19, ak juon bija ilo kein jerbal kabel kin kaat in rekoot wā eo, ak juon beba emoj an print jen jikin etan wā ko ilo Oregon Health Authority.

K: Ewi waween an OHA kabin kakien in?

Rijerbal ro an taktō ak rijerbal ro ilo jikin ejmour, rikoontoreak ro, im pade ro ewor aer eddo im renaj rube jabdewot kakien rej ioon kaje ko an jikin kin \$500 kajojo raan kajojo kakien erub.

K: OHA ej ke katmane an rijerbal ro bok kwonaer elane rijerbal ro rejab wā?

Aet, kinke alikin Oktoba 18, 2021, ejab melim iomwin kakien nan an juon jikin jerbal an taktō ak rijerbal ro an jikin ejmour, juon rikoontoreak, ak juon pade an eddo emaron jab kojerbal, koontoreak ibben, ak komelim jibañ ko armij rej make lelok jen rijerbal in ejmour ak armij ro rej jerbal, katak, jikuul, jibañ, lale, ak lelok jibañ ko aer ilo juon jikin taktō ijellokun ne takto ak rijerbal ro an jikin ejmour relukkun dedelok aer bok wā eo an COVID-19 ak ewor aer beba in kamool rejab maron boke kin naninmij ak kabun.

K: Kin naat eo takto ak rijerbal ro an jikin ejmour aikuj loor kakien eo?

Taktō im rijerbal ro an jikin ejmour rar aikuj wā jab rumijlok jen Oktoba 18, 2021, ñan aer loor kakien eo. Jen Oktoba 19, 2021, juon taktō ak rijerbal ilo jikin ejmour emaron jab jerbal, katak, jikuul, jibañ, lale, ak lelok jibañ ilo juon jikin taktō ijellokuj ñe elukkun dedelok aer wā im emoj aer lelok beba n kamool kin aer melim in jab wā kin taktō ak kabun.

K: Ne rijerbal ro ao rejab loor kakien eo im inaj kabojrak aer jerbal, enaj ke lablok joortoklik in bojrak jerbal eo ao?

Mennin ejab juon uwaak Oregon Health Authority emaron uwaake. Kwoj aikuj kebaak Oregon Employment Department nan melele ko kin bojrak jerbal.

K: Ne renaj kabojrak an juon rijerbal jerbal kin an jab wā, remaron ke tobrak nan jiban eo bojrak jerbal?

Mennin ejab juon uwaak Oregon Health Authority emaron uwaake. Kwoj aikuj kebaak Oregon Employment Department nan melele ko kin bojrak jerbal.

K: Ilo juon imon kalbuj an bukon, an won eddo eo in kejbarok rekoot ko, imon kalbuj eo ke bukon eo?

Jikin jermal ko, ro rej koontoreak, im pade ro ewor aer eddo rej aikuj kejbarok kein kamool in wā ak kajitok juon komelim jen aoleb jikin ko rar lelok wā ko.

K: Jikin jermal ko ewor ke aer eddo ne rejab kabin mennin aikuj eo ikijen wā im elane juon rinanimij enaj naninmij kin COVID-19?

Jikin jermal ko rej aikuj bok melele ibben loar eo aer kin abnono ko kin eddo ko aer iomwin kakien. Jikin jermal ko rej aikuj bok kaje ko an jikin kin aer jab loor kakien eo.

K: Juon jikin jermal emaron ke kabojrak an juon rijermal jermal elane enaj makoko in loor kakien eo?

Rijermal ro rej aikuj loor madmod in jermal ko ewor ilo aer lale abnono in katak in bōd ko an rijermal, ekoba jemlok ko kin aer kabojrak aer jermal.

Im elablok, ilo an rijermal ro maron lelok katak kin bōd ak kabojrak an juon rijermal jermal elane enaj makoko in loor mennin aikuj ko ilo jikin jermal eo, rijermal ro rej aikuj loloorjak ke jabdewot madmod ak kabojrak ejab juon kakkure kakien ko ikijen ejellok kalijeklok. Rijermal ro remaron aikuj lelok mennin jiban ko emmon jonan nan kajojo armij ro rejab maron loor kakien eo kin naninmij ak tomak in kabun, ijellokun ne mennin jiban eo enaj komman juon aban nan jikin jermal eo ak kaju lelok uwota nan rijermal eo ak ro jet.

Im bareinwot, juon jikin jermal eban lelok katak kin bōd ak kabojrak juon rijermal eo ej kwalok an abnono kin madmod ko rijermal eo ej tomak ej kakkure kakien ko an jukjukinbed, state, ak federal. Ilo an juon jikin jermal maron lelok katak in bōd ak kabojrak juon rijermal eo ej makoko in loor kakien in, juon rijermal ejab maron lelok katak kin bōd, ak kabojrak rijermal eo kin an kajitok ne emelim kakien eo iomwin kakien ko relab.

K: Einwōt rijermal in taktō im rijermal ro an jikin ejmour, elañe rijermal ro rejanin wā im ejellok aer beba in kōmelim aer jab wā ejab melim aer bed ilo ak ilo jikin taktō eo innem rejab kaju ak jab kaju kebaak rinanimij ak kein jermal ko retoonon, ij ke aikuj kabojrak aer jermal ñan loor mennin aikuj eo ikijen wā an taktō/rijermal an jikin ejmour an OHA?

Juon jikin jermal an taktō ak rijermal ro an jikin ejmour ejab aikuj kabōjrak an rijermal in ejmour ro jermal kin aer jab wā ñe ejellok aer beba in kōmelim in jab elañe jikin jermal eo enaj kelet in likūt taktō ak rijermal rein ilo ien kakkije ak kamo aer jermal, katak, jikuul, lelok jibañ, lale, ak lelok ien ko aer ilo jikin ejmour eo ilo jabdewōt ien.

K: Rijermal ro rej ke aikuj bok wā eo ilo awa in jermal ko ekka? Ne rej aikuj wā inabojin awa in jermal ko, rijermal ro rej ke aikuj kolla wonnen awa ko an rijermal ro?

Jab, kakien eo ejab delon rijermal ro nan boke wā eo ilo awa in jermal ko ekka, botab juon jikin jermal emaron lelok ak aikuj an rijermal ro boke wā eo ilo raan in jermal. Ikijen elane ien wā eo emmon, Obij eo ej bok eddon rijermal im jikin jermal ko ewor an Kajitok

ko Rekut im edelon melele in, ewor ilo <https://www.oregon.gov/boli/workers/Pages/covid-vaccine.aspx>. Alikтата, mennin aikuj ko relablok remaron ekkar nan rijerbal ro ewor aer bujen ak koontoreak in jermal ko ibben doon.

K: Jikin jermal ko ak rijerbal remaron ke loe jikin kadelon melele in wā (ALERT IIS) an Oregon Health Authority (OHA) nan kamool ke armij an rijerbal ak rijiban eo wā kaju ilo ALERT IIS?

Jab. Kakien eo an Oregon ejab komelim an jikin jermal eo im emoj komelim an kojerbal ALERT IIS nan kojerbal kein jermal eo nan lale melele in wā in COVID-19 nan rijerbal ak rijerbal. Delone ALERT IIS kin mennin ej rube kakien eo ilo bujen eo an ro rej kojerbale.

K: Rijerbal ro ilo jikin Behavioral Rehabilitation Service (BRS) nan jodikdik im REJAB kolla jen DHS rej ke loor kakien in?

Aet.

K: Kakien in wā eo an rijerbal in ejmour ej ke jermal nan rijerbal ro rej jermal ilo imon wia ko ewor jikin wuno botab rejab rijerbal an jikin wuno eo?

Jab. Kakien in ejab jermal nan rijerbal ro (ro rej kanne kobban imon wia eo, jermal ilo jikin kolla, im jikin ko jet) an imon wia mona ko im ewor jikin wuno ko rejab watoke rej rijerbal ro an jikin wia wuno.

K: Kakien in wā eo an rijerbal in ejmour ej ke jermal nan rijiban ro rej lelok komadmod ko moktata ilo jikin ko inaboj, einwot ski patrol ro, rijiban ro rej kabok im jiban armij ro rejabwebwe ak bed ilo uwota?

Aet, ro rej lelok komadmod ko jinointata rej laijen iomwin rijerbal in ejmour ilo idin jorraan.

K: An ke jikin jermal eo eddo in loloorjak ke beba in wā im beba in komelim eo emool?

Jikin jermal eo ejab aikuj bok bunten ko jet nan kamool ke beba in kamool wā eo emool. Juon jikin jermal aikuj bok melele ibben koonjel in loar eo aer elane rekonaan bok bunten ko nan loloorjak ke beba in kamool eo emool.

K: Ñe rekoot in wā eo an juon rijerbal enaj kwalok wā eo kein kajuon jen Moderna ak wā eo kein karuo jen Pfizer, jej ke watōke elukkun dedelok an rijerbal eo wā 14 raan alikin wā eo kein karuo?

Aet.

K: Ta oktak eo ikōtaan “kōjenolok” im juon “kōmelim” jen mennin aikuj eo ikijen wā?

Kakien ko an ADA im kakien ko ikijen kejbarok utamwe an state im bareinwōt kakien ko an state im federal ikijen jibañ ko ñan kabun emaron kōmman bwe en wōr mennin kōmelim ko ñan kakien ko an jermal kin juon madmōdin jibañ emmon joñan. Iomwin

[OAR 333-019-1010](#), elañe juon kōmelim ñan kakien eo an wā renaj lelok ilo juon jejjetin wāween eo, enaj wōr joñan kiltien ko jet einwōt mōttan madmōdin jibañ eo emmon joñan ñan kadiklok an ajeeded COVID-19. Im bareinwōt, mennin kōjenolok ko ikijen kabun im taktō rebañ kōjerbali ñan **kōmelim** an taktō im rijerbal ro ilo jikin ejmour ko jen kakien eo kin wā, bōtab enaj juon jikin jinoe ñan madmōdin leto letak melele ñan lale elañe remaron lelok juon kōjenolok koba ibben joñan kejbarok ko jet emōj aer kōmmāni.

K: Ta beba/kein kamool ko rej mennin aikuj nan komelim ikijen tomak in kabun ak naninmij?

Nan komelim ikijen tomak in kabun, armij eo aikuj kanne im jaini [Beba in Kajitok Komelim ikijen Tomak in Kabun kin COVID-19](#). Kajitok in komelim eo aikuj kin tomak in kabun im aikuj koba juon naan in kamool ej komelele waween ko mennin aikuj in wā eo ejab loor tomak in kabun ko an armij eo.

Nan komelim ikijen naninmij, juon armij im takto eo an aikuj kanne im jaini [Beba in Kajitok Komelim kin Naninmij nan COVID-19](#). Juon takto aikuj kamool ke armij eo ewor an naninmij ak utamwe in komelij im ej komman an armij eo jab maron boke wā eo an COVID-19 ekkar nan jejjetin kakolkol in taktō, im ej kalikar elane utamwe eo ej an jidik ien ak nan indeo.

Beba ko einwot remaron kojerbali, im ejab beba ko an OHA, botab beba kein aikuj wor aoleb ejja melele ko rej aikuj ilo beba ko an OHA. Kajojo armij rej aikuj lale ibben jikin jermal ko aer nan lale ne ewor beba einwot remaron kojerbale.

K: Ia eo imaron loe beba eo ij aikuj kanne nan kajitok juon komelim in jab boke wā eo ej mennin aikuj ikijen naninmij ak tomak in kabun?

Kajojo armij remaron boke beba ko ilo link ko laajrak:

[Beba in Kajitok Komelim in Jab Bok Wā eo an COVID-19 kin Naninmij](#)

[Beba in Kajitok Komelim in Jab Bok Wā eo an COVID-19 kin Tomak in Kabun](#)

K: Ta naninmij ko remaron komelim an juon armij jab wā?

Komelim ko ikijen naninmij rej an bebe eo an takto. Lale [Melele in laajrak ko ñan jab wā an CDC](#).

K: Ne juon rijerbal enaj makoko in kadedelok beba in komelim eo an OHA im enaj email ae wot jikin jermal eo an, enaj ke rube kakien in? Jikin jermal eo emaron ke kadedelok beba in komelim eo ibben melele ko ilo email eo?

Kajojo armij ro rej kabok komelim in jab boke mennin aikuj eo kin wā eo an COVID-19 rej aikuj kanne im lelok nan jikin jermal eo aer kajitok eo nan komelim ilo aer kojermal beba in kajitok komelim eo emoj an Oregon Health Authority (OHA) lelok, ak bar juon beba einwot ewor ejja melele ko rej aikuj ilo beba eo an OHA. Jikin jermal eo emaron ke wor an bunten ko relablok nan kajitok juon komelim ak waween ko relablok rej aikuj koba kin komelim ko.

K: Rijerbal ro rej aikuj kojerbal beba in komelim OHA, ak remaron ke bok kain beba in kamool ko jet? (einwot, beba jen takto, email ej kalikar kōjenolok kin tomak in kabun)?

lomwin [OAR 333-019-1010](https://www.oregon.gov/oha/ohahd/communicable-disease-prevention/communicable-disease-prevention/Pages/FAQs.aspx), juon armij aikuj kabok juon komelim nan kojerbal beba eo Oregon health Authority, ear lelok ak bar juon beba einwot ewor ejjab melele ko aikuj ilo beba eo an OHA.

K: Ta beba in kamool eo aikuj nan komelim eo ikijen juon tomak in kabun?

Ejellok jejjetin beba in kamool aikuj nan kajitok komelim kin juon tomak in kabun. Botab, kajojo armij ro rej aikuj lelok aoleb melele ko kajitok ilo beba eo, ekoba kalikar tomak in kabun rej komman jen boke juon wā in COVID-19 im waween an tomak ko ej komman aer jab maron boke wā eo. Nan tibdikin melele nan kajitok ko an jikin jermal kin tomak in kabun ko an juon rijerbal, lale 12-I-A ilo: https://www.eeoc.gov/laws/guidance/section-12-religious-discrimination#h_25500674536391610749867844.

K: Einwōt juon taktō, imaron ke jaini beba in kajitōk kōmelim eo aō make ikijen nañinmij?

Jab. Juon kōmelim ikijen nañinmij aikuj koba kin juon beba emōj an taktō jaini im ejab armij eo ej kabōk an kōmelim.

K: Ewor juon madmod ewor rej bok kwonaer jen ibben jikin jermal eo ak pade eo juon an eddo nan armij ro rej kajitoke juon komelim ikijen tomak in kabun?

Aet, juon jikin jermal ekka an eddo in bōk kwonaer ilo juon madmod ewor rej bok kwonaer nan bukot mennin jiban eo/ko emmon jonaer. Madmodin aurok kinke ej juon mennin jiban ejab jemlok wot nan ta eo rijerbal eo ej kajitoke im melele ko relablok im remaron aikuj nan lale juon mennin jiban eo enaj juon aban nan jikin jermal eo ak elane ne jikin jermal eo enaj kaju lelok juon uwota nan jikin jermal eo (jekdon alikin jonan kejbarok ko jet emoj kojejjet kutien).

K: Ij kajitōk juon kōmelim in jab bōke wā eo ej mennin aikuj. Ia eo ij lelok beba in kajitōk kōmelim eo aō?

Rijerbal ro, rikoontoreak ro, im rijibañ ro rej aikuj lelok beba in kajitōk kōmelim ko aer ñan jikin jermal ko aer ilo aer loor laajrak ko an jikin jermal eo. Kwōmaron loe kōmelele ko ekkā ñan kanne beba eo [ijin](#). JAB lelok beba in kajitōk kōmelim ko ñan Oregon Health Authority.

K: Elukkun dedelok aō wā. Ia eo ij jilkinlok kein kamool in wā eo aō ñan loor kakien in?

Rijerbal ro, rikoontoreak ro, im rijibañ ro rej aikuj lelok kein kamool in wā ko aer ñan jikin jermal ko aer ilo aer loor laajrak ko emōj an jikin jermal eo aer lelok. JAB lelok kein kamool in wā ko ñan Oregon Health Authority.

K: Ij jermal ñan na make. Ia eo ij lelok kein kamool in wā eo aō ak beba in kajitōk kōmelim?

Kajojo armij ro rej jermal ñan er make rej aikuj kejbarok rekoot ko aer ibbeir einwöt kein kamool in wā eo aer ak beba in kajitök kōmelim ekkar ñan [kakien in](#). Iomwin kakien in, beba in kamool aikuj:

- (a) Kejbarok ekkar nan kakien ko an federal im state rekkar;
- (b) Kejbarok jab diklok jen ruo yiō; im
- (c) Lelok nan Oregon Health Authority ilo ien enaj wor kajitok.

K: Ta jet waanjonok in mennin jiban ko ak jonan kejbarok ko jikin jermal ko remaron aikuj nan rijermal ro aer rejab maron wā kin naninmij ak tomak in kabun.

Koba kin jonan kejbarok ko emaron, einwot mottan lelok juon komelim nan mennin aikuj eo an wā, juon rijermal eo ejanin wā, armij eo ej koontoreak ak lelok jiban ej delone jikin jermal eo emaron aikuj ekonak juon kein kalbubu iturin maj N95, komman jonan an ettolok jen ro jet ilo ien an bed ilo jikin jermal eo, ukote awa in jermal eo an ilo ien ediklok armij ro ilo jikin jermal eo, ikut ien an bok teej eo an COVID-19, im lelok ien bwe en telework, ak aliktata, boke juon jermal oktak. Jonan kejbarok ko juon jikin jermal ej lelok enaj ekkar nan jermal ko an rijermal ro im mejatoto in jermal eo kobalok ibben waween ko jet. Ne emaron, jikin jermal ko remaron lomank aer lelok jet mennin jiban ko ilo jidik ien im bar etali tokelik, alikin juon ien emoj kalikar. Nan melele ko relablok kin mennin jiban ko lale Kajitok ko K.2 im K.6 ilo: <https://www.eeoc.gov/wysk/what-you-should-know-about-covid-19-and-ada-rehabilitation-act-and-other-eeo-laws#D>.

K: Jikin jermal eo aikuj ke lelok komelim eo im lelok juon mennin jiban ak jikin jermal eo emaron ke kabojrak ien jermal eo an juon armij eo ej kajitoke juon komelim?

Kakien ko an jikin jermal ekkar ekoba Taitol VII, ADA, im kakien ko an state einwot rej aikuj an jikin jermal eo lelok mennin jiban ko emmon jonaer nan rijermal ro, im, kin juon utamwe ak kin tomak in kabun, renaj kajitok juon komelim in jab loor kakien eo an wā. Alikin am bok kwonaam ilo juon madmod eo ewor rar bok kwonaer, juon jikin jermal emaron lale mennin aikuj eo kin juon aban ak ne rijermal eo ej kaju lelok juon uwota nan jikin jermal eo im eban kadiklok nan jonan eo emelim ak jako kin juon mennin jiban emmon jonan. Ne reban lelok juon mennin jiban, jekdon baer ekkar lomnak ej lomnak eo an jikin jermal im emaron aikuj loor kakien ko ilo bujen in bebe ko aoleb, ne ekkar, ak kakien ko an jikin jermal eo.

K: Ta madmod eo nan lelok im kejbarok beba in komelim ko?

Kajojo armij aikuj lale [Komelele ko kin kanne Beba in Kajitok Komelim ikijen Naninmij kin COVID-19 im Beba in Kajitok Kōmelim ikijen Kabun kin COVID-19](#) ñan melele ia eo rej lelok beba in komelim ko. Beba in kōmelim ko rej aikuj kanne im lelok nan jikin jermal eo an armij eo ak armij eo juon an eddo. JAB jilkinlok beba kein ñan Oregon Health Authority. Jikin jermal eo an armij eo ak armij eo juon an eddo ej aikuj kejbarok beba in kamool ko ejab diklok jen ruo yio im lelok nan Oregon Health Authority ilo ien renaj kajitok.

K: Jikin jermal eo emaron ke komman kakien ko elablok mo jen kakien eo, waanjonok, aikuj teej kajojo wiik nan ro rejanin wā, aikuj wā nan rijermal ro rej

jerbal jen jikin ko rettolok, kolablok wonnen bebe in takto nan rijerbal ro rejanin wā?

Aet. Kobalok ibben kajitok in komelim eo am, jikin jerbal eo am emaron aikuj an jikin jerbal eo am ak pade eo juon an eddo boke bunten ko relablok nan kejbarok kwe im ro jet jen aer boke im kaajeeded COVID-19, im emaron koba kakien ko relablok. Jikin jerbal ko rejab aikuj lelok juon komelim in mennin jiban elane aer kommane enaj kaju lelok juon uwota nan armij eo ak ro jet emoj komelim ilo jikin jerbal eo ak emaron komman aban.

K: Jabdewot rijerbal an jikin ejmour emaron ke jaini juon beba in komelim kin naninmij jen mennin aikuj eo ikijen wā ilo kakien ko an Oregon Health Authority?

Jabdewot rijerbal kapeel in jikin takto ak kokmanmanlok mour eoekkar emaron jaini juon beba in komelim kin naninmij, botab melele eo ekoba ilo beba eo aikuj delon ilo laiijen, jikin kadelon etan, ak beba in kamool eo an takto eo.

K: Ejab melim ke iomwin kakien in lelok beba in wā ak kōmelim in jab wā ñan juon jikin jerbal?

Oregon Health Authority (OHA) emōj an bōke kakien ko emōj an kōjejjēt kūtien ORS 431.110(7) im ORS 433.004(1)(d), kakien ko rej lelok an OHA maron in kejbarok nañinmij ko rekabobo einwōt COVID-19. Kakien ko an OHA rej aikuj an taktō ro, jikuul, im rijerbal in burokraam ko rej bed ilo jikuul lelok beba in wā ak ñan kajitōk juon kōmelim in jab wā ikijen nañinmij ak kabun, ñan jikin jerbal eo aer ak bar juon pade an eddo. Jab loor kakien ko an OHA ej juon rubrubin kakien Kilaaj A iomwin ORS 431.990 im ORS 433.990. Ñe OHA enaj ebōk kein kamool ke juon armij ear lelok melele ko rebōd ñan aer kajeoñ kwalok ke rej loor kakien ko ikijen wā, OHA emaron lemaanlok wāween eo ñan ro rej kabin kakien ilo jukjukinbed ak state ñan aer etale. Juon rubrubin kakien Kilaaj A ewōr kaje lok ñan 364 raan in kalbuj im juon bakkin kin \$6,250.

Maroñ loe beba in: Ñan armij ro im elōñ aer utamwe ak armij ro im rejelā juon bar kajin im ejab Kajin Belle, OHA emaroñ lelok melele ko ilo wāween ko jet einwōt ukok ko, jeje kileb, ak jeje ko an ribilo. Kebaak Jikin Melele in Ejmour eo ilo 1-971-673-2411, 711 TTY ak COVID19.LanguageAccess@dhsosha.state.or.us.